

ხუნწის ნაციხარის (მარტვილის მუნიციპალიტეტი) არქეოლოგია

❖ ზოგადი სახელმძღვანელო პრინციპები

საქართველოს ტერიტორიაზე არსებული კულტურული ფასეულობების მოვლა-პატრონობა და მათი შენარჩუნება უმნიშვნელოვანესი ფაქტორია სახელმწიფოს განვითარების პროცესში. ჩასატარებელი სამუშაოებით მოხდება საქართველოს კულტურული მემკვიდრეობის ნიმუშების რეაბილიტაციისათვის საჭირო ღონისძიებების განხორციელება.

❖ ძირითადი პირობები

მიმწოდებელი შემსყიდველთან შეთანხმებული სამუშაოების გრაფიკის შესაბამისად, წარუდგენს მას ინფორმაციას, წერილობითი ანგარიშის სახით, გათვალისწინებული სამუშაოების მიმდინარეობის შესახებ. იგი ვალდებულია, გაითვალისწინოს შემსყიდველის შენიშვნები და წინადადებები, რაც შემდგომში საფუძვლად დაედება შესრულებული სამუშაოების ანაზღაურებას.

სამუშაოების შესრულების გრაფიკი განსაზღვრავს სამუშაოთა მიმდინარეობას და შემსყიდველისათვის ეტაპობრივად წარუდგენის გეგმას.

შესრულებული სამუშაოების ანგარიში შემსყიდველს წარედგინება ელექტრონული ვერსიის – კომპაქტური CD დისკის (1 ეგზემპლარი) და მყარი ასლების სახით (2 ეგზემპლარი).

მიმწოდებელი ვალდებულია, არქეოლოგიური სამუშაოების დაწყებამდე ძეგლზე დაამონტაჟოს ჩასატარებელი სამუშაოების ამსახველი საინფორმაციო ბანერი, რომელიც უნდა შეიცავდეს შემდეგ ინფორმაციას:

- o მესაკუთრე;
- o შემსყიდველი;
- o მიმწოდებელი;
- o ჩასატარებელი სამუშაოს სახეობა;

❖ ძეგლის მოკლე აღწერა

ციხე მდებარეობს მარტვილის მუნიციპალიტეტის, სოფ. ხუნწში, მდ. ცხენისწყლის მარჯვენა სანაპიროზე, მარტვილი-ხონის დამაკავშირებელი სამანქანო გზის მე-8 კმ-ზე.

ციხე აშენებულია სოფლის ჩრდილოეთ ნაწილში, ქუჩითის გორაკზე და მოიცავს დაახლოებით 6000 მ² ფართობს. ციხის გალავნები მიწის დონეზეა დანგრეული. მხოლოდ მის ჩრდილოეთ ნაწილშია შემორჩენილი გალავნების რამდენიმე ფრაგმენტი.

ციხის ტერიტორიაზე შეიმჩნევა ციტადელის ნაშთი. არქეოლოგიურად დადასტურებულია IV-VI სს-ის მძლავრი კულტურული ფენები, ასევე ციტადელის მონაკვეთში გამოვლენილია ჰიდრავლიკური ხსნარით მოლესილი იატაკის ფრაგმენტი.

ხუნწის ნაციხარის (მარტვილის მუნიციპალიტეტი) ტერიტორიაზე უნდა ჩატარდეს შემდეგი არქეოლოგიური სამუშაოები:

ჰუმუსის მოხსნა 0.30 მ სიღრმეზე - 2 უბანზე;

50 მ² ფართობის შესწავლა საშუალო სიღრმით 1.5 მ - 2 უბანზე, სულ 100 მ² ფართობი;

მიწის გატანა 30 მეტრზე ხელით და ურიკით

❖ არქეოლოგიური გათხრების ჩატარების პირობები

- სამუშაოების ჩატარებისას ყურადღება უნდა მიექცეს სამუშაოთა შესრულების ხარისხობრივ მაჩვენებლებს, რომელთა დაცვა სავალდებულოა კულტურული მემკვიდრეობის ძეგლის ფასეული ელემენტების შესანარჩუნებლად. მუშაობის პროცესში მიმწოდებელი ვალდებულია, სამუშაოები შეასრულოს სავალდებულო არქეოლოგიური სამუშაოების მეთოდების სრული დაცვით;
- სამუშაოთა მიმდინარეობისას გამოვლენილი არქეოლოგიური ობიექტები და არქეოლოგიური მასალა მიმწოდებელმა სათანადოდ უნდა დაიცვას დაზიანებისგან, განადგურებისა და დაკარგვისგან, ასევე გარემო პირობებისა და სხვა არასასურველი ზემოქმედებისაგან;
- თუ არქეოლოგიურ სამუშაოთა მიმდინარეობისას გამოვლინდა მაღალი მატერიალური ღირებულების მქონე ნივთი (ნივთები), ამასთანავე, მეთოდოლოგიური, კლიმატური, ტექნიკური ან სხვა პირობების გამო ვერ ხერხდება მისი (მათი) დაუყოვნებლივ ამოღება და უსაფრთხო ადგილას გრანსპორტირება, მიმწოდებელი ვალდებულია, დაუყოვნებლივ მიმართოს შინაგან საქმეთა სამინისტროს შესაბამის ტერიტორიულ ორგანოს;
- მოძრავი არქეოლოგიური მონაპოვარი, უნდა ჩაბარდეს მარტვილის გივი ელიავას სახელობის მხარეთმცოდნეობის მუზეუმს სათანადო თანმხლებ დოკუმენტაციასთან ერთად;
- არქეოლოგიური სამუშაოების მიმდინარეობისას, ახლადგამოვლენილი გარემოებ(ებ)ით გამოწვეული ცვლილებები შეთანხმებულ უნდა იქნეს შემსყიდველთან.

❖ შემსყიდველისთვის გადასაცემი საბოლოო პროდუქცია

წარმოდგენილი პირობებისა და ვადების ფარგლებში, მიმწოდებელმა საბოლოო პროდუქციის სახით შემსყიდველს უნდა გადასცეს არქეოლოგიური კვლევის ჩატარების შედეგები, შემდეგი შემადგენლობით:

- შესწავლილი ტერიტორიისა და მასზე არსებული ობიექტების ფიქსაციის, მათ შორის ფოტო და ვიზუალური აღწერის მასალები;
- შესწავლილი ტერიტორიის (ობიექტის) ისტორიულ–ბიბლიოგრაფიული და საარქივო კვლევის მასალები, შესაბამისი წყაროების მითითებით. კერძოდ: სამუზეუმო და საარქივო მასალების (არსებობის შემთხვევაში – ისტორიული რუკები და გენერალური გეგმები, ისტორიული საკადასტრო და ნაგებობების გეგმები, არქივებში დაცული, ტერიტორიის ამსახველი ფოტომასალა, კოსმოსური და აეროფოტომასალები) მოძიება;
- შესწავლილ ტერიტორიაზე მოპოვებული პირველადი ინფორმაციის საარქივო მონაცემებთან მიმართების ანალიზი;
- შესწავლილი ტერიტორიის ადგილმდებარეობის სიტუაციური გეგმა GPS კოორდინატებით;
- საკვლევი ტერიტორიის კვადრატებად დაყოფის სქემა;
- არქეოლოგიური კვლევისას გამოვლენილი ძეგლების განლაგების სქემა და ანაზომი;
- გამოხაზული ნახაზები (მასშტაბი 1:10, 1:20) ძირითადი პარამეტრების ზომების დატანით;
- ტექსტური აღწერილობა;
- არქეოლოგიური კვლევის შედეგების ანგარიში.
- აღნიშნული მასალები და დოკუმენტაცია უნდა განთავსდეს მარტვილის მუნიციპალიტეტის გივი ელიაგას სახელობის მხარეთმცოდნეობის მუზეუმში

❖ ხუნწის ნაციხარის (მარტვილის მუნიციპალიტეტი) ტერიტორიაზე ჩასატარებელი არქეოლოგიური სამუშაოებისათვის დოკუმენტაცია მოცემულია ტექნიკური დავალების დანართების სახით.

- ხუნწის ნაციხარის (მარტვილის მუნიციპალიტეტი) ტერიტორიის ფოტოილუსტრაცია;
- ხუნწის ნაციხარის (მარტვილის მუნიციპალიტეტი) ტერიტორია (Google Earth გამოსახულება).

❖ *სამუშაოთა საბოლოო მიღება*

მიმწოდებელი ატყობინებს შემსყიდველს სამუშაოთა დასრულების შესახებ, თანახმად გეგმა-გრაფიკისა.

შემსყიდველი ამოწმებს შესრულებულ სამუშაოებს. თუ შემსყიდველმა სამუშაოები შეაფასა წუნით, სამუშაოები დასრულებულად ჩაითვლება დეფექტების აღმოფხვრის შემდეგ.

❖ სამუშაოთა შესრულების ვადები

შესრულებულ სამუშაოთა ანგარიშის ჩაბარების საბოლოო ვადაა ხელშეკრულების გაფორმებიდან 90 კალენდარული დღე. შესრულებულ სამუშაოთა ეტაპობრივი ჩაბარების ვადები და გრაფიკი დაზუსტებული იქნება პრეტენდენტის მიერ შემოთავაზებული გეგმა-გრაფიკის მიხედვით.

❖ პრეტენდენტის მიერ ელექტრონულ სისტემაში ასატვირთი მონაცემებია:

- რეკვიზიტები, სატენდერო წინადადების ფასი და ხელშეკრულების უზრუნველყოფის გარანტიის ოდენობა პროცენტულად, დანართი №2-ის მიხედვით;
- ინფორმაცია სამუშაოებში ყველა მონაწილე პირის კვალიფიკაციის შესახებ (CV-ს სახით);
- ინფორმაცია არქეოლოგიური სამუშაოების სფეროში პრეტენდენტის გამოცდილების შესახებ წარმოდგენილი უნდა იქნას შესრულებულ სამუშაოთა ჩამონათვალის სახით. პრეტენდენტს ანალოგიურ სფეროში განხორციელებული უნდა ჰქონდეს მინიმუმ 2 სამუშაო.
- შესასრულებელი სამუშაოს ხარჯთაღრიცხვა, საქართველოს კანონმდებლობით განსაზღვრული გადასახადებისა და თანმდევი ხარჯების ჩათვლით;
- სამუშაოთა ჩატარების პროექტი და კალენდარული გრაფიკი, სექტორებისა და შესაბამისი სამუშაოების თანმიმდევრობის ჩვენებით (კალენდარული გრაფიკი შესაძლებელია დაზუსტდეს ხელშეკრულების გაფორმების პროცესში);
- ჩატარებული სამუშაოების შედეგად გამოვლენილი არქეოლოგიური ობიექტების შესაბამის საცავებში შემდგომი დაბინავებისა და შენახვის პირობების უზრუნველყოფის დამადასტურებელი ცნობა;
- ინფორმაცია მატერიალურ-ტექნიკური ბაზის შესახებ.

თანდართული ილუსტრაციები





დანართი №1

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი (თანამდებობა):

პრეტენდენტის იურიდიული მისამართი:

პრეტენდენტის ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშსწორების ანგარიში:

2. ავანსის გამოყენების შემთხვევაში საავანსო თანხის ოდენობა პროცენტულად:

პრეტენდენტის ხელმოწერა -----